

UNIVERSITY OF SARAJEVO
FACULTY OF SCIENCE

Broj: 01/06-486/5-2019
Sarajevo, 08.03.2019. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na osnovu člana 135. stav (3) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17) i člana 104. Statuta Univerziteta u Sarajevu, a u vezi sa članom 64. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17) i članom 32. i 33. Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu, Vijeće Prirodno-matematičkog fakulteta Univerziteta u Sarajevu na 42. sjednici, održanoj 07.03.2019. godine, donosi

ZAKLJUČAK

I

Poboljšanje osvojenog broja bodova za gradivo u toku semestra

Student koji želi poboljšati broj osvojenih bodova za gradivo koje je u toku semestra uspješno okončao, obavezan je javiti se predmetnom nastavniku najkasnije 48 sati nakon objavljivanja rezultata testa te popuniti odgovarajući obrazac koji će propisati Vijeće Fakulteta.

Student koji želi poboljšati broj osvojenih bodova za gradivo koje je u toku semestra uspješno okončao (testovi), isto može polagati u redovnom ispitnom terminu za polaganje završnog ispita. U tom slučaju student polaže integralni ispit sa odgovarajućim brojem bodova (test/testovi + završni ispit).

U zavisnosti od silabusa odgovarajućeg predmeta, u ovom slučaju integralno gradivo može biti raspoređeno u test/testove i završni ispit ili kao integralni ispit sa odgovarajućim brojem bodova (test/testovi + završni ispit).

Osvojeni broj bodova u toku semestra koje student želi poboljšati biće poništeni, a bodovi ostvareni na ponovljenom testu biće relevantni u ukupnom broju bodova.

II

Poboljšanje osvojenog ukupnog broja bodova nakon završnog ispita – poništavanje predložene ocjene

Student koji želi poboljšati ukupan broj osvojenih bodova nakon završnog ispita, obavezan je javiti se predmetnom nastavniku najkasnije 48 sati nakon objavljivanja ukupnih rezultata sa prijedlogom ocjena te popuniti odgovarajući obrazac koji će propisati Vijeće Fakulteta.

Student koji želi poboljšati ukupan broj osvojenih bodova nakon završnog ispitnog termina, isto može učiniti u popravnom ispitnom terminu za polaganje završnog ispita. U tom slučaju student polaže integralni ispit sa odgovarajućim brojem bodova (test/testovi + završni ispit).

U zavisnosti od silabusa odgovarajućeg predmeta, u ovom slučaju integralno gradivo može biti raspoređeno u test/testove i završni ispit ili kao integralni ispit sa odgovarajućim brojem bodova (test/testovi + završni ispit).